

ՄԱԿԱՐԱՎԱՆՔԻ ՄԻՋՆԱԴԱՐՅԱՆ ԽԵՑԵՂԵՆԸ

Հայաստանի միջնադարյան ճարտարապետական հուշարձանների գլուխգործոցներից է Մակարավանքի համալիրը, որը գտնվում է պատմական Հայաստանի Մեծ Կայան գավառում (այժմյան Իջևանի շրջանի Աշաշուր գյուղից 3 կմ հարավ-արևմուտք)։ Մակարավանքը կառուցված է X—XIII դդ., բաղկացած է Հին եկեղեցուց (X—XI դդ.), Աստվածածին եկեղեցուց (1198 թ.), դավթից (1224 թ.), մատուռից և պարսպապատերից։ Մասնավորապես հետաքրքիր է գավթի թվագրությունը (1224թ.)¹, քանի որ ներքոհիշյալ ամբողջական անոթները և մի քանի խոշոր բեկորներն գտնվել են նրա վրված ծածկի լցքի մեջ։ Քննակվող նյութերը ներկայացնում են բազմաթիվ հասարակ և ջրնարակած խեցեղենի բեկորներ և մի քանի ամբողջական անոթներ, որոնք բաժանվում են հետևյալ խմբերի²։

Կարասնւն.— Ներկայացված են տարբեր կարասների բնկորներով: Մեկ կարասի հարի շուրթը կտրալու է, դուրս ճկված: Պսակի տակով անցնում է սեղմված զարդ (նկ. 1₁): Մյուս կարասի իրանի բնկորներից մեկը ղեղին է, դարձնադույն կետերով, վրայով անցնում է ուռուցիկ կղնեաձև զարդագոտի (նկ 1₂): Երրորդ կարասի իրանի բնկորը ավելի բարակ է, նույն գույնի, զարդարված է երկու ուռուցիկ գծերով, կենտրոնում ճզմվածքով (նկ. 1₃): Նման կարասներ

¹ Ս. Ա. Ավագյան, Հ. Մ. Ջանիբեկյան. Դիվան հայ լիմադրություն, պր. 4, Իջևանի շրջան. Երևան, 1971, էջ 153:

2 Հողգլածում քննարկվող նյութերը հավաքվել են Ա. Ա. Քալանթարյանի կողմից Մակարավան-րի հուշարձանախմբի վերականգնման աշխատանքների ժամանակ 1970 թ. 0 օգտվելով առիթից, շնորհակալություն ենք հայտնում Ա. Ա. Քալանթարյանին, չհրատարակված նյութերը մեզ տրամադրելու համար:

15 «Հանդես», № 1

Հայտնի ևն Դվինից³, Որոտնավանքից⁴, Բերքա-
բերից, Օրենկալայից⁵, Հին Գանձակի⁶ XII—
XIII դդ. շերտից և ավել:

ՄԵԼ ԿԱՆՐԱՃԻ ԿԱՐԱՍՆԵՐ.— Ներկայացված
են Լրեբ (մեկի հատակը թերի է) ամբողջական
սափորներով և շորս րեկորներով: Չնայած նը
րանց տիպաբանական նմանություններին, սա-
փորներն ունեն նաև տարրերիչ գծեր, այդ պատ-
ճառով տեղին ենք գտնում դրանք նկարագրել ա-
ռանձին-առանձին: Առաջինը զորշ գույնի է
(նկ. 1_ա), ձգված իրանով, բարձր պարանոցով,
կլորավուն շրթով, լայն և տափակ հատակով:
Պսակի տակից ղեպի իրանն է ձգվում լայն
կանթով: Պսակի տակով անցնում է հորիզոնա-
կան ուռուցիկ գիծ (բարձր. 45 սմ, իրանի
տր. 25 սմ, շուրթի շրջանի՝ 10 սմ):

երկորդը (նկ. 1-ը, պահպանվել է իրանի վե-
րին մասը) առաջինից տարբերվում է պարա-
նոցի հարդարանքով և կանթի ձևով: Կանթը
տափակ է, ոչ մեծ ելուստներով եզրերում և
երկու սրածայր ելուստներով վերին մասում:
Կանթի մակերեսը հարդարված է բազմաշառ
հատիկաձև զարդանախշով, ներքին մասում ոչ

3 Վ. Գ. Ղաֆադարյան. Դվին քաղաքը և նրա պեղումները. Երևան, 1952, էջ 195: Ա. Ա. Քալանթարյան. Դվինի նյութական մշակույթը IV—VIII դդ. Երևան, 1970, էջ 21: Նոյն իմ Դվին 1-ին (Կենտրոնական թաղամասի պեղումները 1964—1970 թթ.). Երևան, 1976, էջ 47:

4 Ա. Ա. Քալանթարյան. Որոտնավանքի
խեցեղենը.— ՀՍՍՀ ԳԱ «Լրաբեր հաս գրտ.»,
1967, № 4, տախտ. 1, նկ. 1:

⁵ А. Л. Якобсон. Раскопки на городище Орен-Кала.—Материалы и исследования по археологии СССР (МИА). 67, М.—Л., 1959, с. 93.

⁶ И. М. Джафар-Заде. Историко-археологический очерк старой Гянджи. Баку, 1949, с. 38, рис. 13.

մեծ ձվաձև ներճկամբ: Պսակի տակով անցնում են երկու ուռուցիկ գծեր:

Երրորդ սափորը (նկ 1_Զ) գորշ է: Իրանը ուռուցիկ է, բարձր, քիչ լայնացող պարանոցով, կլոր շրթով: Հատակը լայն է և տափակ: Պարանոցի կենտրոնից դեպի անոթի իրանի

շերտերում, որտեղ դրանք հարատևում են մինչև X—XIII դդ., Որոտնավանքում⁷, Կապադակում⁸, Օրենկալայում⁹, Անդրկովկասի և Հայաստանի այլ հուշարձաններում:

Մակարավանքում գտնված խեցեղենի մյուս խումբը կազմում են լայն բերանով անկանթ



նկ. 1

վերին մասը կիսակլոր իջնում է կտրվածքում ձվաձև կանթը: Պարանոցը զարդարված է ուռուցիկ գծով: Իսկ իրանի վերին մասը՝ երկր անփույթ անցկացված հորիզոնական գծերով (բարձր. 32 սմ, տր. 23 սմ, շուրթի տր. 13 սմ):

Մյուս երկու սափորները ներկայացված են երկու ու մեծ կարմիր անգորապատ անոթների պարանոցների բեկորներով, բարձր նեղ վզերով և կլոր գուրս ցցված շրթերով (նկ. 1_Դ): Դրանցից մեկը ունի կլորավուն շուրթ և լայն կանթ: Կանթի ստորին մասում իրանի վրայով անցնում է ուռուցիկ գիծ: Նմանատիպ սափորներ հանդիպում են Դվինի VI—IX դդ.

կճուճները (5 օրինակ): Նրանցից մեկը վարդագույն է, կլոր գուրս ցցված իրանով, լայն

7 Ա. Ա. Քալանթարյան. Դվին 1-ին, էջ 49: Նույնի՝ Որոտնավանքի խեցեղենը. տախտ. 2-րդ:


8 Օ. Ս. Исмаилов. О раскопках в Кабале на территории Южной части городища в 1960 г.—Материальная культура Азербайджана (МКА). V, Баку, 1964, табл. III.

9 Г. М. Ахмедов. Неполненная керамика Орен-Кала IV—XI вв.—МИА, 67, табл. V, рис. 3.

կարճ վզով, թւք կտրված շրթով: Հատակը կտրված է (նկ. 19): Իրանի վերին մասը հարդարված է հորիզոնական գծերով, երկար խոշոր դիզիզով, որը եզրագծված է իրանի կենտրոնով անցնող հորիզոնական գծով: Մյուս երեքը զորշ են, նույն ձևն ունեն, տարբերվում

հարդարված է երկու հորիզոնական գծերով: Վերին մասում երեւում են բազմաշար բարակ գծերի հետքեր: Խեցեղենի այս խումբը հաճախ հանդիպում է Հայաստանի և Անդրկովկասի XII—XIII դդ. բոլոր հուշարձաններում:

Մակարավանքի խեցեղեն իրերի հավաքա-



Նկ. 2

են կլոր շրթով: Մեկի հատակը տափակ է, մյուսինը փոքր նստուկով (նկ. 19): Հարթ հատակով սափորի իրանը հարդարված է հորիզոնական բազմաշար գծերով, կլոր և ձվաձև փոսիկներով:

Այս խմբին պայմանականորեն միացրել ենք նաև երկու այլ անոթ, որոնք կարող են լինել և՛ անկանթ սափորներ, և՛ փոքր կարասներ: Դրանցից մեկը (նկ. 19) կարմիր գույնի է, պահպանվել է միայն իրանի վերին մասը, այն քիչ ձգված է, պարանոցը երկար է և ունի ուղիղ կտրված շուրթ: Երկրորդը դեղին գույնի է, պահպանվել են միայն պարանոցը և ներքին մասում սեղմված ուղիղ շուրթը: Պարանոցը

ծուրմ կան նաև կավե անոթների երկու բեկորներ, որոնք իրենց ձևերով հիշեցնում են մետաղե կաթսաներ: Մեկը (նկ. 19) ունի ոչ բարձր պարանոց և ոչ մեծ կլորավուն շուրթ: Կտրվածքում տափակ կանթը իջնում է շուրթից դեպի ուսը: Պարանոցի և իրանի հատման տեղում անցնում են երեք շարք ներձկված հորիզոնական գծեր: Երկրորդ բեկորն ունի նույն կառուցվածքը, տարբերվում է ավելի փոքր չափերով: Իրանի և պարանոցի հատման տեղում անցնում են երկու շարք ներձկված գծեր: Երկու սափորների կանթերի ծայրերը քիչ բարձրացված են: Սրանց շարքում պետք է

դասել, հավանաբար, կճուճների իրանի տարբեր մասերի սև և դարչնագույն բեկորները, վարդագույն և դարչնագույն աստառով, հարգարված նմանատիպ (զծավոր) վերադիր գոտիով, որի տակով անցնում են զիզզագաձև ուռուցիկ գծեր (նկ. 1₁₂): Նման կավանդներ հայտնի են Դվինից¹⁰, Դիլիշանից¹¹, Բերքաբերից, Հին Գանձակից¹², Օրենկալայից¹³ և այլն:

Դաշագարդ խեցեղեն.— ներկայացված է շորս տարբեր անոթների անգորապատ բեկորներով: Դրանցից մեկը (նկ. 2₁) կարմիր անգորապատ անոթի իրան է. հարդարված է երկու ուռուցիկ գծերից բաղկացած դաշագարդով, լցված բազմաշար, միմյանց հաջորդող ձվաձև զարդանախշերով: Մյուս բեկորը (նկ. 2₂) կլոր սափորի պարանոց է: Շուրթը կլոր է, թեքված դեպի ներս: Պարանոցը հարդարված է խորը ներձկված սեպաձև զարդանախշով, ինը տերևաձև վարդակներով և ուռուցիկ հորիզոնական գծով: Նրորդ բեկորը (նկ. 2₃) ներկայացնում է մի այլ անոթի պարանոց, որն ունի դուրս ճկված պսակ: Նրա տակով անցնում է ուռուցիկ գոտի՝ հարդարված բազմաշար գծիկներով, ոչ խորը օվալաձև փոսիկներով, որոնցից ներքև անցնում են լայն, կարմիր անգորապատ և ավելի նեղ, կաթնագույն գոտիներ: Վերջին բեկորը (նկ. 2₄) ներկայացնում է անոթի կանթը և շուրթի մի փորք մասը: Պսակը թեքված է դեպի ներս, կանթը հարդարված է տափակ ելուստով և կլոր փոսիկով: Այս խմբի խեցեղենը հայտնի է Անիի¹⁴, Դվինի¹⁵, Գառնիի¹⁶, Օրենկալայի¹⁷, Գանձակի¹⁸ և այլ պեղումներից (X—XIII դդ.):

10 Կ. Գ. Ղաֆադարյան. Դվին քաղաքը և նրա պեղումները, էջ 174:

11 Պահլում է Դիլիշանի գավառագիտական թանգարանում:

12 И. М. Джафар-Заде. Указ. соч., с. 4—6.

13 Г. М. Ахмедов. Указ. соч., с. 181.

14 И. Орбели. Развалины Анн. СПб., 1911, с. 52—53; Г. Чубинов. Декоративное убранство Аннийских карасов. Т. 5, Петроград, 1917, табл. XIII, рис. 1—5.

15 Կ. Գ. Ղաֆադարյան. նշվ. աշխ., էջ 188, նկ. 166—169: Ֆ. Բաբայան. Միջնադարյան Հայաստանի գեղարվեստական խեցեղենի զարգացումը. Երևան, 1981, նկ. 30—32:

16 Բ. Ն. Առաքելյան, Գ. Զ. Կարախանյան. Գառնի 3-րդ. Երևան, 1962, էջ 82, նկ. 38:

17 Г. М. Ахмедов. Указ. соч., с. 198.

18 И. М. Джафарзаде. Указ. соч., с. 10, рис. 32.

Առանձին խմբով են հանդես գալիս անոթների երեք բեկորներ: Դրանցից մեկը անգորապատ է, պատրաստվել է մանրահատիկ կավից և ներկայացնում է սափորի հատակի և իրանի մաս, որը զարդարված է ուղղահայաց խորը ակոսիկներով (նկ. 2₅):

Մեծ խմբով են ներկայացված խոհանոցային խեցեղենի սև և կարմիր բեկորները, որոնց մի մասը մրապատ է (նկ. 2₇₋₉): Սրանց մեծ մասը զարդարված է հասարակ երկրաչափական զարդանախշով՝ հորիզոնական ուղիղ և ավթաձև գծերի, թեք գծիկների և ավելի քիչ՝ հատիկազարդի տեսքով: Նույն խմբի երեք այլ անոթներ նախշված են ուղղահայաց ակոսիկներով, դրանցից մեկը լրացուցիչ զարդարված է ուռուցիկ գծով և կարճ թեք գծիկներով (նկ. 2₆): Խեցեղենի այս խումբը հաճախ է հանդիպում Հայաստանի և Անդրկովկասի միջնադարյան հուշարձաններում (րացատույթամբ ակոսիկներով անոթների):


Մեծ խումբ են կազմում բրեղանները (նկ. 3₁₋₃), որոնց մեծ մասը կարմիր անգորապատ, ոչ մեծ, խորը անոթների բեկորներ են, կլորավուն, ուղիղ կամ դեպի ներս թևավոր պսակներով: Որպես կանոն, դրանք պատկերազարդ չեն և միայն երբեմն շուրթի տակով անցնում են մեկ կամ երկու ներձկված հորիզոնական գծեր: Պահպանված հատակների մի մասն ունի օղակաձև բարձր նստուկ, բնորոշ տվյալ ժամանակաշրջանի համար:

Միակ նմուշով է ներկայացված ձմումը: Այն ունի խոշոր սափորի տեսք (նկ. 2₁₀): Պարանոցը բարձր է, կլոր դուրս ձկված պսակով: Պարանոցի տակով անցնում են երկու խորը ներձկված գծեր: Իրանի կենտրոնում կա հորիզոնական մեծ բռնակ, կողքից շրջանաձև ելուստ՝ միջանցիկ անցքով: Նման ձմումներ թիչ են հանդիպում միջնադարյան Հայաստանի հուշարձաններում: Դրանք գտնվել են կարմիր բլուրի միջնադարյան շերտում¹⁹, Որոտնավանքում, Սպիտակում²⁰:

Խոսիները ներկայացված են յոթ բեկորներով: Դրանցից մեկը խոշոր խոսի բեկոր է, ըստ երևույթի թոնրի կամ կարասի, պատրաստված վատ թրծված կավից, կարմիր անգորապատ մակերեսով: Նրա ելքերը կլորավուն բարձրացված են (նկ. 3₁₀): Գորշ և կարմրավուն

19 Բ. Ն. Առաքելյան. Քաղաքները և արհեստները Հայաստանում 9—13-րդ դդ. Երևան, 1958, տախտ. 37:

20 Ա. Ա. Քալանթարյանի պեղումները. նյութերը հրատարակված չեն:



Նկ. 3

գույնի երկու մյուս բեկորներն ունեն ավելի փոքր չափեր և ըստ երևույթին ծառայել են որպես կարասների կամ խոշոր կճուճների խուփեր (նկ. 3₉)։ Սրանց եղբերը նույնպես բարձրացված են, զարդարված թեք գծիկներով և սևղմումով։ Գտնվել են նաև տարբեր խուփերի քոնակներ, որոնցից յուրաքանչյուրը կազմում

է առանձին տիպ։ Դրանցից առաջինը սրացող է, ելուստավոր (նկ. 3₁)։ Երկրորդը ցցուն փոսիկավոր քոնակ է, որի եզրերը զարդարված են ուռուցիկ գծերով (նկ. 3₁₇)։ Երրորդ քոնակը նույնատիպ է (նկ. 3₁₅)։ Չորրորդը աղեղնաձև քոնակ է, կենտրոնում ուռուցիկ ելուստով (նկ. 3₁₆)։ Վեռն նշված խուփերը

լայնորեն հայտնի են Հայաստանի և Անդրկովկասի միջնադարյան հուշարձաններից, որտեղ դրանք հանդիպում են VIII դարից և հարաստեվում մինչև XIII դարը:

Գտնվել են նաև ձիթաճրագներ, որոնք բաժանվում են երկու խմբի: Առաջինին են պատկանում կոպիտ զանգվածեղ ձիթաճրագները՝ տափակ հատակով, բարձր ուղիղ եզրագծերով և պատրույգի համար ոչ մեծ քթով (ծորակով, նկ. 3₁₁, 12): Երկրորդ խմբին են վերաբերում կարմրավուն կավից նուրբ ճրագները, ոչ մեծ կլորավուն նստուկով, ձգված բռնակով և պատրույգի համար արված ոչ մեծ քթով (նկ. 3₁₂):

Դվինից գտնված նման հասարակ և ջնարակած ճրագները քթի հակառակ կողմում ունեն դուրս ցցված բռնակ: Այդպիսիք լայնորեն հայտնի են Հայաստանի և Անդրկովկասի վերոհիշյալ հուշարձաններից, որտեղ նրանք օգտագործվել են XI—XIII դդ.:

Ջնարակած խեցեղեն.— Ներկայացված է քրեղանների տարբեր բեկորներով: Դրանց մեծ մասը ջնարակով պատված է միայն ներքուստ և միայն երկու բեկոր՝ արտաբուստ: Ջնարակը մեծ մասամբ միագույն է, կանաչ, ափսիս քիչ՝ գեղին, վրան հանդիպում են երկրաշա-

փական զարդեր՝ զուգահեռ գծերի, առանձին գոտիների, երբեմն էլ պարույրների տեսքով: Նման զարդանախշերը և ջնարակման եղանակը լավ հայտնի են Հայաստանի և Անդրկովկասի ժամանակամերձ խեցեղենում:

Այս նույն հավաքածուի մեջ է մտնում նաև ծայրերը փշրված երկաթի օղակի տեսք ունեցող դուռնի երկաթե փակի բեկորը: Համանման առարկաներ գտնվել են Օրենկալայի XII—XIII դդ. շերտից²¹:

Մակարավանքի խեցեղենը, որը գտնվել է հաստատուն թվագրություն ունեցող X—XIII դդ. հուշարձանից, որոշակի հետաքրքրություն է ներկայացնում Հայաստանի և Անդրկովկասի հնավայրերից հայտնի նմանատիպ խեցեղենի ուսումնասիրության համար:

Մակարավանքի խեցեղենը երևան է բերում որոշակի կապեր Արարատյան դաշտի, Ուտիքի և Արցախի միջնադարյան հուշարձանների նյութերի հետ:

²¹ А. Л. Якобсон. Раскопки на городище Орен-Кала, с. 139, рис. 110.

Հ. Ս. ՍԱՍԱՆ

НОВЫЙ ДОКУМЕНТ О М. НАЛБАНДЯНЕ

12 апреля 1866 года в Камышине, вдали от родного Нахичевана, умер революционер-демократ, поэт и публицист Микаэл Налбандян. После смерти имя Налбандяна становится символом борьбы прогрессивных сил широких слоев армянского общества в России, Франции, в Османской империи. Ни арест, ни казематы Петропавловской крепости, ни ссылка, ни более «тонкие формы» гонений—клеветы, провокации—не смогли вытравить влияние идей Налбандяна и глубокого уважения к нему при жизни и к его посмертной памяти. Примерно через год после смерти М. Налбандяна между Азиатским департаментом Министерства иностранных дел России, Российской миссией в Константинополе, Департаментом духовных дел иностранных исповеданий Министерства внутренних дел завязывается переписка по «Армянскому делу». Поводом послужили армянские

демонстрации в Константинополе и публикации о них в иностранных (французских) газетах. Директор Азиатского департамента МИД России П. Н. Стремоухов потребовал объяснений у подведомственной ему дипломатической миссии в Константинополе. Письмом от 25 апреля (7 мая) 1867 г. российский посланник П. Игнатьев сообщает:

«Ввиду распространяемых иностранными газетами ложных слухов о демонстрациях, делаемых здешними армянами против императорского правительства, нужным считаю обратить внимание Вашего превосходительства на обстоятельства, послужившие поводом к таковым слухам.

Несколько времени тому назад под руководством французской и радикальной партии здешними армянами были устроены театральные представления из армян-